

Broj: 06-03-1225-17/23/09
Mostar, 14.04.2010. godine

Na osnovu člana 14, člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stava (1) i stava (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izdavanje prethodne dozvole za izgradnju proizvodnog objekta mHE „Pršljanica 2“ broj 06-03-1225/23/09 od 20.10.2009. godine podnosioca „VESNA-S“ d.o.o. Bugojno, Regulatorna komisija za električnu energiju u Federaciji Bosne i Hercegovine-FERK je dana 14.04.2010. godine na VI redovnoj sjednici donijela slijedeće

R J E Š E N J E

1. Izdaje se Prethodna dozvola za izgradnju proizvodnog objekta mHE „Pršljanica 2“ podnositelju zahtjeva „VESNA-S“ d.o.o. Bugojno.
2. Prethodna dozvola za izgradnju se izdaje na period od 14.04.2010. godine do 13.04.2011. godine, s uslovima Prethodne dozvole koji čine njen sastavni dio.
3. Sastavni dio ovog rješenja čini Prethodna dozvola iz tačke 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je dana 20.10.2009. godine primio od strane podnosioca „VESNA-S“ d.o.o. Bugojno Zahtjev za izdavanje prethodne dozvole za izgradnju proizvodnog objekta mHE „Pršljanica 2“ upisan pod brojem 06-03-1225/23/09.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 36. stava (2) i stava (3) Pravilnika za izdavanje dozvola-licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a dostavio podnosiocu zahtjeva Obavještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-1225-01/23/09 od 13.11.2009. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Postupajući po Obavještenju, podnosilac zahtjeva je dostavio 20.11.2009. godine Dopis primljen u FERK pod brojem 06-03-1225-02/23/09, uz koji je dostavio traženu dokumentaciju, kao i obrazloženje vezano za istu.

Postupajući u skladu sa članom 11. Pravilnika za izdavanje dozvola-licenci, FERK je dana 21.12.2009. godine u „Dnevnom listu“ i „Dnevnom avazu“, kao i na svojoj web stranici objavio Obavještenje za javnost o podnesenom Zahtjevu za izdavanje prethodne dozvole za izgradnju proizvodnog objekta mHE „Pršljanica 2“ podnosioca zahtjeva „VESNA-S“ d.o.o. Bugojno. Povodom Obavještenja za javnost, FERK do roka naznačenog u Obavještenju odnosno do 08.01.2010. godine, nije primio pisane komentare zainteresovanih lica na podneseni zahtjev, kao ni zahtjev za sticanje statusa umješšača.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stavom (2) Pravilnika o javnim raspravama i rješavanju zahtjeva i žalbi FERK-a, obavjestio podnosioca zahtjeva o svojoj namjeri provođenja postupka izdavanja prethodne dozvole bez održavanja formalne rasprave, putem Obavještenja broj 06-03-1225-04/23/09 od 08.01.2010. godine, kojom je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva nije iznio nove činjenice u vezi s predmetom postupka, te nije uputio druge komentare FERK-u.

Na osnovu provedenog postupka, tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 16. stavom (1) Pravilnika za izdavanje dozvola-licenci pripremio nacrt Prethodne dozvole za izgradnju proizvodnog objekta mHE „Pršljanica 2“ po Zahtjevu broj 06-03-1225/23/09 od 20.10.2009. godine, podnosioca „VESNA-S“ d.o.o. Bugojno. Na osnovu člana 79. stava (2) Zakona o električnoj energiji, FERK je Odlukom broj 03-1225-05/23/09 od 22.01.2010. godine usvojio nacrt Prethodne dozvole za izgradnju proizvodnog objekta mHE „Pršljanica 2“, dok je Odlukom FERK-a broj 03-1225-06/23/09 od 22.01.2010. godine ovaj nacrt upućen u proces javne rasprave, te je određeno mjesto i vrijeme održavanja opće rasprave o predmetnom nacrtu Prethodne dozvole za izgradnju proizvodnog objekta, imenovan voditelj postupka, kao i da zainteresovana lica svoje usmene komentare na nacrt Prethodne dozvole za izgradnju proizvodnog objekta mogu dati na općoj raspravi koja je održana 03.02.2010. godine u 12:00 sati, u dvorani KSC Bugojno, a pisane komentare dostaviti na adresu FERK-a, kao i putem elektronske adrese do 05.02.2010. godine do 12:00 sati.

Općoj raspravi o nacrtu Prethodne dozvole za izgradnju proizvodnog objekta mHE „Pršljanica 2“, prisustvovali su predstavnici podnosioca zahtjeva „VESNA-S“ d.o.o. Bugojno, predstavnici javnosti i predstavnici lokalne TV-e. Podnosilac zahtjeva je istakao da nema primjedbi na predloženi nacrt prethodne dozvole za izgradnju proizvodnog objekta mHE „Pršljanica 2“ i da može ispoštovati sve uslove date u prethodnoj dozvoli.

Do ostavljenog roka za dostavu pisanih komentara, odnosno do 05.02.2010. godine, do 12:00 sati, u FERK je primljen pisani komentar na nacrt Prethodne dozvole za izgradnju proizvodnog objekta mHE „Pršljanica 2“ Sportskog ribolovnog društva Bugojno dana 03.02.2010. godine koji direktno ne uzrokuju izmjenu Nacrta prethodne dozvole.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opće rasprave, voditelj postupka pripremio je pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare za donošenje odluke. Podnosilac zahtjeva je dao pisanu saglasnosti na izvještaj voditelja rasprave i ponovo naglasio da nema primjedbi na predloženi Nacrt teksta prethodne dozvole.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 12.02.2010. godine pod internim brojem 06-08-241/10, a prije njegovog konačnog odlučivanja na redovnoj sjednici.

Na osnovu obrade Zahtjeva za izdavanje prethodne dozvole za izgradnju proizvodnog objekta mHE „Pršljanica 2“ podnosioca „VESNA-S“ d.o.o. Bugojno i dokumentacije priložene uz zahtjev, te analize postupka opće rasprave, kao i komentara javnosti datih u postupku opće rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u Prethodnoj dozvoli koja je predmet ovog rješenja podnosiocu zahtjeva postavljeni su, u skladu sa članom 38. Pravilnika za izdavanje dozvola-licenci, određeni uslovi. Spomenuti uslovi uvažavaju potrebu, ali i obavezu „VESNA-S“ d.o.o. Bugojno, da u rokovima propisanim u uslovima Prethodne dozvole za izgradnju proizvodnog objekta mHE „Pršljanica 2“ iste ispuni, u cilju zadovoljenja općih i posebnih kriterija propisanih Zakonom o električnoj energiji i bliže propisanih članom 37. Pravilnika za izdavanje dozvola-licenci FERK-a.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a:
Zdenko Šimunović s.r.